

大乘同性經

古籍

下

百四十五
蓋二

48228



元祿九年丙子二月日重修

皇圖聖圖 帝潛銀呂

佛日增輝 轉輪常轉

山城州天安寺法金剛院置



大乘同性經卷下

周宇文氏三藏閣



那耶舍共僧安譯



蓋

是時雜類衆生無有貪欲瞋恚愚癡慳妬等
心各各惟有善心慈心安樂之心猶如父母
兄弟姊妹當於是時一切衆生得如是等心
行安樂歡喜踊躍徧滿諸根無復寒熱及以

憂愁如是一切衆生樂心具足不聞高聲及
諸大聲復此大池平正如掌琉璃所成化出
種種深廣妙池七寶為砌金沙布底八功德
水清淨盈滿彼諸池中自然化出無量蓮華
大如車輪彼諸妙華有七寶色開敷微妙其
葉柔軟或復化出無量蓮華廣一由旬雜色
精妙香氣柔軟如迦陵伽衣又復化出百千
億那由他多諸種種蓮華莊嚴或復化出無
量蓮華廣二由旬或三四五乃至一十二十
三十四十五十及百由旬或復化出無量蓮
華廣千由旬是時娑婆佛剎雨大香雨灑散
於地被水香氣柔軟微妙能令衆生歡喜踊

蓋
大乘同性經下

躍諸微妙風吹彼種種天妙華雨自然墮落
所謂曼陀羅華摩訶曼陀羅華曼殊沙華摩
訶曼殊沙華月華大月華意華大意華雨如
是等廣大諸華復有勝妙諸末香雨復有沉
水香多伽羅香黑沉水香牛頭栴檀此等香
煙如是出現處處徧滿又復出生過無量百
千億那由他阿僧祇數大如意樹七寶所成
縱廣高下或一由旬乃至百由旬最勝端嚴
悉皆樂見其諸寶樹以種種寶衣服繒綵白
拂垂毘鈴網莊嚴彼諸寶樹雨於種種精妙
七寶所謂金銀琉璃摩尼真珠車磔馬瑙赤
真珠貫如是等雨又諸寶樹雨種種柔軟雜

色衣服所謂歌奢衣俱奢衣僑奢耶衣歌尸
歌衣如是等雨又諸寶樹雨諸瓔珞以闍浮
檀金所作成就種種雜寶間錯微妙所謂鐸
釧耳璫天冠臂印珠繩寶瓔金鎖瓔珞如是
等雨又被諸寶如意樹下出生百千億那由
他師子之座各以種種七寶所成彼師子座
蓋 大乘同性經下
高於七仞菩薩坐上三十二相莊嚴其身容
貌端嚴衆所喜見其身內外自然明徹彼一
切諸菩薩前出生百千億那由他塔各七寶
成彼諸塔上各千天子而坐其上奏五音樂
并出歌難其聲精妙能令聞者心意喜躍其
音聲中出諸歌讚詠是偈言

平等無等等 我所悉皆無 其功德莊嚴

一切世希有 精進諸苦行 此法如是生

微妙莊嚴事 故現一切世 能除地獄等

此法如是生 微妙事莊嚴 故現一切世

能除地獄等 所有生道苦 及諸有等苦

是時皆得滅 除彼塵垢穢 諸人等癡垢

善勝微妙事 故現諸人中 今者無邊刹

是時皆平廣 大山及諸河 須彌海悉無

以琉璃為地 清淨平如掌 諸寶雜色樹

精妙普樂見 刹中復有此 嚴淨焰光明

金色諸精妙 翳障於日月 多種雜寶座

有諸菩薩坐 威光如百日 衆相莊嚴身

無量諸池邊 周匝摩尼寶 八分功德水

清淨盈滿中 百千種蓮華 莊嚴陂池裏

廣大如車輪 展轉倍於前 復有堅牢座

一切寶所成 百千億千天 天象悉端嚴

奏諸微妙音 讚歎及歌詠 如來神力故

出此象妙聲

蓋 大乘同性經下

出如是等音樂歌詠事相偈法有過三無量魚

邊阿僧祇法句尔時世尊集會之中所有諸

天及以人等有大乘行者樂大乘者信廣大

意者因此無邊光明力故見彼一切佛刹如

是功德莊嚴清淨其中天人有行聲聞辟支

佛行者不見不知佛刹功德莊嚴清淨其諸

菩薩摩訶薩等在此剎中悉得無量無邊阿
僧祇三昧陀羅尼神通法句復有諸大聲聞
得入一切寂滅三昧今時有師子座縱廣正
等高百億由旬自然而現七寶所成天衣敷
上時有如來身大無邊現於座上加趺而坐
其身相好端嚴無譬顯現具足有大蓮華縱
廣正等高八萬四千由旬七寶所作出現佛
前有無量百千億那由他蓮華莊嚴圍遶開
敷柔軟精妙端嚴復有過無量阿僧祇數幢
幡懸蓋種種雜寶間錯而成於虛空中懸無
量無邊真珠等貫及諸繒束復懸無量無邊
寶鈴羅網有如是等功德莊嚴於此佛剎自

然顯現如是不可說無量無邊阿僧祇未曾
有事於此娑婆佛剎中現又不可說不可量
不可數大莊嚴神通之力昔所未見本未曾
聞於此娑婆世界中現如是等最大最勝希
有之法

尔時彌勒菩薩摩訶薩即發此念何因何緣

蓋大衆同性經下

此佛剎中顯現希有不可思議大莊嚴事神
通之力令衆踊躍我當問佛至真等正覺破
此疑心尔時彌勒菩薩摩訶薩從座而起偏
袒右肩以其右膝置蓮華上向佛合掌而白
佛言世尊我今有疑欲問如來願問疑網佛
告彌勒如來至真等正覺當問汝問若有疑

感當為解說。爾時彌勒菩薩摩訶薩蒙佛許
已。白佛言：世尊，是誰因緣有此事相於此娑
婆？佛刹顯現如是，希有奇特踊躍之法。所謂
現神通力，一切功德莊嚴，佛刹勝淨，嚴飾明
徹，無垢一切惡心悉已除滅，乃至不可稱說。
無有窮盡，未曾聞見世尊。此菩薩衆見如是
等神通為法，世間顯現一切疑惑，世尊欲為
何事？爾時彌勒菩薩摩訶薩說偈問佛：
世間希有，今是何顯現如是？大世尊。
驚怪未曾有，斯法今於此事生疑惑。
震動大地并巨海，或有安住淨世界。
開敷清淨金光網，除滅世間一切闇。

蓮華百千魚有邊 復有雜華妙寶樹

億數幢蓋及繒幡 并真珠貫鈴網等

無量種福慧光明 滅除一切惡道苦

世尊何事現此相 妙淨娑婆佛刹中

說此語已佛告彌勒菩薩摩訶薩言汝可復

座吾當為汝分別解說何因何緣大希有法

蓋

大乘同性經下

世間現者彌勒東方過阿僧祇恒河沙等佛

五

刹彼有佛刹名清淨光輪功德莊嚴寶縷界

廁彼佛刹有佛名閼敷精妙具莊嚴神通法

界輪一蓋吼聲毗盧遮那藏安自在王如來

至真等正覺現在遊行演說法要世界清淨

除滅慳貪瞋癡一切煩惱諸惡道等彼佛刹

中十住菩薩摩訶薩之所居住彼佛刹中有
菩薩摩訶薩名海妙深持自在智通得一切
菩薩禪定三昧神通陀羅尼最為第一持一
切寶莊嚴殿與過無邊數諸菩薩摩訶薩從
虛空中欲來至此娑婆佛刹是善丈夫威神
力故於此世界作大莊嚴神通自在先現是
事尔時世尊說此事已海妙深持自在智通
菩薩摩訶薩及其徒衆即時現大威德光輪
莊嚴之中有無量億光明羅網具足圍遠虛
空中行作百千種音樂歌詠部別各各雨衆
天華復放百千億那由他光明來至於此娑
婆佛刹即以寶莊嚴殿安置欲色二界空中

既安置已與其徒眾從空中下至於佛所合
 掌向佛接足頂禮圍遶三匝爾時海妙深持
 自在智通菩薩摩訶薩與其徒眾合掌恭敬
 白佛言世尊唯願如來憐愍我等納受坐此
 寶莊嚴殿世尊於此寶莊嚴殿為大菩薩眾
 說無等等深妙之法爾時世尊告海妙深持
蓋自在智通菩薩摩訶薩言善哉善哉善丈夫
大乘同性經下
 汝今以此寶莊嚴殿奉施如來至真等正覺
 善丈夫汝於此賢劫中毗婆尸佛已來乃至
 賢劫千佛以此一切寶莊嚴殿過去亦施現
 在亦施未來亦施善哉丈夫乃能以此大寶
 莊嚴嚴飾此中娑婆佛刹

尔時海龍王白佛言世尊寶莊嚴殿今在何
 處復若大小尔時世尊告龍王言龍王彼寶
 莊嚴殿置在欲色二界空中縱廣三千大千
 世界龍王彼寶莊嚴殿一切諸佛菩薩神通
 三昧力故出彼寶殿一切菩薩安樂之處堪
 以供養奉獻如來龍王復彼寶殿佛所居處
 又是如來福力放生能令菩薩心得清淨復
 能照明十方世界使諸衆生心意歡喜隱翳
 一切諸天宮殿不可說無邊莊嚴之串成就
 具足普告十方一切菩薩皆令覺知龍王彼
 寶莊嚴殿白琉璃瑠為上閻浮檀金為壁功德
 藏寶以為女牆碼碯藏寶以為却敵摩尼寶

藏以為攔楯淨光明寶以為攔柱普光明寶
以為其輦一切衆寶以為其座一切雜寶如
半月秋光明無邊以覆殿上八萬四千億那
由他柱雜色端嚴衆寶所成精妙具足最勝
供養稱可如來龍王其彼寶殿懸諸雜寶無
量無邊真珠繒絲金鈴羅網立正妙幢懸諸
幡蓋蓋牛頭栴檀以塗其地燒堅栴檀及以沉
水最上妙香以之為熏龍珠寶華間錯莊嚴
以種種華徧散其地龍王彼寶莊嚴殿一切
所有諸殿柱上無數千億諸天子坐作天五
音最妙歌讚出聲踊躍諸法明門從音樂出
龍王彼寶莊嚴殿周匝輪迴大風所持有百

大乘同經下

七

千億七寶妙池金沙為底八功德水清淨盈
滿一一池中無數百千億那由他蓮華閻敷
七寶殿飾妙色端正是諸蓮華大如車輪龍
王波寶莊嚴殿有寶樹園周匝遠有如意
樹種種雜寶華果莊嚴懸諸鈴網及真珠貫
繒綵細氎以為莊飾出微妙香令心踊躍種
種寶塔妙色端正以為莊嚴龍王一一樹下
各有七寶師子之座天迦尸迦衣以為敷具
彼師子座高廣微妙成就具足稱可一切諸
佛菩薩龍王十方所有一切諸佛刹土所有
瓔珞莊嚴及諸華雨一切現彼寶莊嚴殿龍
王波寶莊嚴殿如是等大及以安住

尔時世尊告菩薩衆言諸善丈夫為滿海妙
深持自在智通菩薩摩訶薩願故汝等隨我
向於寶莊嚴殿彼處俱坐尔時世尊從座而
起與不可數諸菩薩摩訶薩前後圍遶時海
妙深持自在智通菩薩在於右邊彌勒菩薩
在於左邊於虛空中安詳而去向寶莊嚴殿
至彼處已尔時世尊與菩薩衆入彼寶莊嚴
殿殿中東面有師子座高無數由旬縱廣正
等是時世尊即坐其上世尊坐於師子座時
彼寶莊嚴殿六種震動出百千億那由他無
量種種大光明網所謂青黃赤白紅紫金色
彼諸天子作天音樂及以歌讚雨大天華然

蓋

大乘同性經下

八

諸天香恒不斷絕。尔時世尊告菩薩衆言。諸善丈夫。汝等各各敷蓮華座而坐。其上世尊勅已。彼菩薩衆各就蓮華座上而坐。佛及菩薩摩訶薩衆皆悉坐已。時海妙深持自在智通菩薩摩訶薩作是思惟。我於今者供養如來至真等正覺。兼復諮請問於佛地。時海妙深持自在智通菩薩摩訶薩即從座起。隨意所生種種無量無邊阿僧祇華香塗香末香華冠衣服幢幡寶蓋音樂歌籟供養世尊。及菩薩衆恭敬尊重承事供養。生希有心供養訖已。又復出此勝供養具。所謂寶真珠貫牛頭栴檀七寶為華。以大寶珠名師子無礙寶。

藏清淨明徹以手執持供養世尊及菩薩衆
為供養故散於如來徧覆其上散已禮世尊
足遠百千步向佛合掌以偈讚曰

顯現無量妙相身

平正端嚴無闕少

螺髻孔雀鳥蜂色

額平悅澤而廣闊

毫相圓潤如妙華

雙眉形似初生月

鼻高隆真妙無譬

眼如日照青蓮色

蓋

大乘同性經下

九

耳埵妙如芭蕉莖

齒齊如白俱勿頭

舌廣紅色得勝味

脣厚圓滿赤朱色

妙肩供滿現無闕

垂臂如風吹娑羅

爪甲長妙赤銅色

手指縵網如鵝王

足下千輻妙輪相

皆由往昔大施生

功德勝於師子臆 體相莊嚴妙端正

腰如弓 弮金剛 杵 陰相不現如馬藏

脛脛圓滿如象鼻 脚踝端正而平滿

指掌輪相鵝王網 進止徐詳師子步

如來具此一切相 是故頂禮功德王

爾時海妙深持自在智通菩薩摩訶薩讚歎

訖已復白佛言世尊我今有疑欲問如來至

真等正覺若佛世尊問我疑問乃敢請說作

是語已佛告海妙深持自在智通菩薩摩訶

薩言善丈夫今若有疑恣汝樂問吾當為汝

分別解說令心歡喜爾時海妙深持自在智

通菩薩摩訶薩白佛言世尊佛地有幾一切

菩薩及聲聞辟支佛所不能行作是語已佛
告海妙深持自在智通菩薩摩訶薩言善哉
善哉善丈夫汝今欲令一切諸菩薩能作明
多利益安樂顯現佛智乃能問於如來此事
汝善丈夫諦聽諦受善思念之吾當為汝分
別解說善丈夫佛有十地一切菩薩及聲聞
辟支佛等所不能行何者為十一名甚深難
知廣明智德地二名清淨身分威嚴不思議
明德地三名善明月幢寶相海藏地四名精
妙金光功德神通智德地五名火輪威藏明
德地六名虛空內清淨無垢焰光開相地七
名廣勝法界藏明界地八名最淨普覺智藏

蓋

大乘同性經下

十

能淨無垢遍無礙智通地九名無邊億莊嚴
迴向能照明地十名毗盧遮那智海藏地善
丈夫此是如來十地名号諸佛智慧不可具
說善丈夫佛初地者一切微細習氣除故復
一切法得自在故第二地者轉法輪故說深
法故第三地者說諸聲聞緣故又復顯說三
乘故第四地者說八萬四千法門故又復降
伏四種魔故第五地者如法降伏諸外道故
又復降伏傲慢及衆數故第六地者教示無
量衆生六通中故又復顯現六種大神通故
謂現無邊清淨佛刹功德莊嚴顯現無邊菩
薩大衆圍遶顯現無邊廣大佛刹顯現無邊

佛刹自體顯現無邊諸佛刹中從兜率天下
託胎乃至法滅亦現無邊種種神通第七地
者為諸菩薩如實說七菩提分無所有故復
無所著故第八地者殺一切菩薩阿耨多羅
三藐三菩提四種記故第九地者為諸菩薩
現善方便故第十地者為諸菩薩說一切諸
法無所有故復告令知一切諸法本來寂滅
大涅槃故世尊說此如來十地名已即時此
娑婆佛刹乃至十方不可說諸佛刹等一切
現大十八種相所謂地動中動大動小搖中
搖及以大搖小震中震及以大震小聲中聲
及以大聲小吼中吼及以大吼小涌中涌及

蓋

大乘同性經下

十一

以大涌是諸佛刹或東傾西起西傾東起或
南傾北起北傾南起或中沒邊起邊沒中起
一切佛刹如是旋轉現十二相其中無一衆
生有惱害者放大勝光照諸佛刹滅除一切
世間諸闇普得光明所有一切諸佛刹土皆
悉於此佛刹中現或佛刹中有佛無佛若成
若壞亦皆於此佛刹中現彼諸佛刹雨天
華徧滿十方不可說不可說諸佛刹中所謂
毘陀羅華摩訶毘陀羅華毘殊沙華摩訶毘
殊沙華盧遮華摩訶盧遮華月華大月華善
月華等乃至一切刹中所有音樂不鼓自鳴
大希有事皆悉出現諸佛刹中被諸佛刹所

有侍者悉從座起各問如來諸希有事時彼
諸如來為其廣說解所疑問

爾時此寶莊嚴殿中海妙深持自在智通菩

薩摩訶薩及諸菩薩集坐眾等咸悉驚怪奇

哉奇異何因何緣世尊說此佛深境界如來

所行甚深難知微密難見一切菩薩非所行

蓋大乘同性經下

處況諸聲聞及辟支佛何以故我等未曾得

十二

聞如此如來十地不可思議諸佛境界我等

為此善事和合相隨請於如來至真等正覺

廣說佛地諸菩薩摩訶薩各從座起合掌向

佛說偈請言

最勝無上尊 此間無等說 一切佛諸地

向者已說名 我等今驚怪 未曾聞此法
聞諸地名已 心意俱踊躍 如飢思美食
渴者念其泉 如是我欲聞 願佛說諸地
說此語已 彼諸菩薩遠佛三帀禮世尊足 各
各在於蓮華座坐 爾時世尊如師子王安詳
顧視觀察十方 觀十方已 告海妙深持自在
智通菩薩摩訶薩 言善丈夫 如來諸地甚深
難知 不可得底 難可覺了 出過一切文辭言
說 何以故 善丈夫 聲聞辟支佛等 諸地尚不
可說 何況菩薩諸地 一切如來佛地名也 時
海妙深持菩薩白佛言 世尊 聲聞諸地為有
幾多 佛言 善丈夫 聲聞之地 凡有十種 何等

為十一者受三歸地二者信地三者信法地
四者內凡夫地五者學信戒地六者八人地
七者須陀洹地八者斯陀含地九者阿那含
地十者阿羅漢地善丈夫是名十種聲聞之
地海妙深持菩薩復問佛言世尊辟支佛地
復有幾許佛言善丈夫辟支佛地有其十種
蓋 大乘同性經下
何等為十一者昔行具足地二者自覺甚深
十二因緣地三者覺了四聖諦地四者甚深
利智地五者八聖道地六者覺了法界虛空
界衆生界地七者證寂滅地八者六通地九
者徹秘密地十者習氣漸薄地善丈夫是名
十種辟支佛地海妙深持菩薩復問佛言世

十三

尊諸菩薩地。復有幾種。佛言善丈夫。菩薩諸地有其十種。何者。為十一者。歡喜地。二者。離垢地。三者。發光地。四者。焰惠地。五者。難勝地。六者。現前地。七者。遠行地。八者。不動地。九者。善慧地。十者。法雲地。善丈夫。是名菩薩十種諸地。海妙深持菩薩。復問佛言。世尊。一切自地。從何處生。佛言。善丈夫。一切自地。從佛地生。海妙深持菩薩。復問佛言。世尊。解脫解脫。彼此何異。佛言。善丈夫。河水海水。彼此異。不海妙深持菩薩。言世尊。河水海水。廣狹有異。佛言。如是如是。善丈夫。聲聞辟支佛。解脫如彼。河水如來。解脫如大海水。海妙深持菩薩。

復問佛言世尊諸大小河流入海不佛言如
是如是善丈夫如汝所說何以故所有聲聞
法辟支佛法菩薩法諸佛法如是一切諸法
皆悉流入毘盧遮那智藏大海海妙深持菩
薩復問言世尊唯願世尊現初佛地住彼初
地頭見一切如來境界令諸聲聞辟支佛等
歡喜踊躍

蓋

大乘同性經下

十四

今時世尊現自佛刹名無邊阿僧祇功德諸
寶具蓋不思議莊嚴佛刹王縱廣百千億那
由他恒河沙數三千大千世界微塵等諸佛
刹是時諸佛刹入無邊阿僧祇功德諸寶具
蓋不思議莊嚴佛刹中皆同一名所有小須

彌中須彌大須彌一切黑山及小河中河大
河及諸大海諸山林谷槃石峯崖糞穢沙鹵
險惡之處悉皆除滅無有地獄畜生餓鬼等
道及天龍夜叉乾闥婆阿脩羅迦樓羅緊那
羅摩睺羅伽人非人等亦悉除滅無有舊佛
刹土功德莊嚴諸瓔珞等此佛刹中所有地
際皆琉璃成平整如掌大因陀羅紺色金剛
為佛刹中出最上微妙莊嚴寶華阿輸歌林
名菩提樹王七寶所成有雜妙色此菩提樹
王高無邊恒河沙佛刹微塵世界縱廣正等
彼菩提樹王種種妙寶以為華葉果實枝柯
師子魚礙摩尼雜寶以為莊嚴毗琉璃赤真

珠貫鈴網繒絲被菩提樹出電光焰不斷不
絕或放金光或摩尼光或因陀羅紺光或頗
梨光或日寶光或月寶光被菩提樹王出最
妙香所謂沉水香多伽羅香黑沉水香多摩
羅跋香黑旃檀香龍旃檀香牛頭旃檀等香
香氣出時徧被佛刹其菩提樹王出歌讚聲

蓋

大乘同性經下

十五

或雨寶雨遍諸世界被菩提樹下於其東面
出生大池七寶所成清淨無濁名曰摩訶菩
提池王深無邊恒河沙等三千大千微塵等
世界縱廣正等以閻浮檀金沙布底八功德
水具足盈滿池四方面各四階道衆寶所填
種種雜寶欄楯具足被池水中出大蓮華名

善開敷菩提蓮華相王七寶所成縱廣無邊
恒河沙等三千大千微塵等世界七寶所作
復有百千億那由他無量無邊諸寶蓮華周
匝圍遶衆妙七寶莊嚴為葉柔軟妙香令人
愛樂其蓮華王臺上出菩提輦王名無邊寶
嚴飾七寶所成高阿僧祇恒河沙等三千大
千微塵數等世界縱廣正等彼寶嚴飾菩提
輦王所有服飾最勝最多上中之上彼寶莊
嚴殿中所有服飾所有莊嚴及神通力百分
千分百千億分不及其一譬如螢火在日光
前其明隱翳如是如是寶莊嚴殿在無邊寶
嚴飾菩提輦王前時全不復現如是種種無

量無邊莊嚴瓔珞所有服飾神通莊嚴及以
光明能令一切日月光明悉不能照無有精
光一切帝釋光一切梵天光一切首陀會天
光於彼無邊寶嚴飾菩提輦王前所有若明
若光若精若照者無有此事於彼輦中出摩
訶菩提師子座王名善照無礙師子莊嚴七
蓋 大乘同性經下
寶所成光色無等衆事具足迦尸迦天衣以
十六
覆其上高百億恒河沙等微塵等世界縱廣
正等釋迦牟尼即便坐彼師子座上轉名無
垢威功德師子月光毗盧遮那藏琉璃幢圓
通光明功德威聚日月智光王如來大身正
等如百億恒河沙佛刹微塵數三千大千世

界等一切身分皆悉具足滿三十二大人之
相八十種好莊嚴其身項背輪光莊嚴其頭
不可見頂其身清淨譬如日月照鏡中光彼
如來身亦復如是無有肉血及以骨髓非因
父母歌羅邏時其身化生清淨如彼閻浮檀
金及淨琉璃因陀羅紺光等色彼如來身寶
清淨如是無有一切微細習氣彼佛世尊衆
相具足一切智師諸法自在度於彼岸無上
等覺最勝大慈是最大人師子丈夫已得漏
盡堅金剛身百福德聚具足十力及四無畏
十八不共法正師子吼壽命無量清淨佛刹
成道自在光明自然無量無邊菩薩之衆前

後圍遠被諸菩薩各各色身皆得具足在寶
樹下於彼池中蓮華輦上坐師子座其身相
稱菩薩各各而自莊嚴猶如如來莊嚴具足
如是佛刹功德嚴淨身清淨衆清淨劫名無
邊際莊嚴摩訶劫王其劫清淨若欲說此廣
大佛刹及佛行者無有是處若如是覺名為
如來住佛初地

蓋

大乘同性經下

十七

爾時世尊告海妙深持自在智通菩薩摩訶
薩言善丈夫汝見如來神通智不海妙深持
自在智通菩薩答言見也世尊見也如來佛
言善丈夫此是佛之初地名甚深難知廣明
智德善丈夫汝今當知有正真願莊嚴功德

相一蓋震聲主威王如來寶德明徹藏功德
身相淨如來不動離難光明如來有神通力
蓮華生功德威相勝瓔珞摩尼王如來在喜
樂刹中天人尊重復有阿彌陀如來蓮華開
敷星王如來龍主王如來寶德如來有如是
等生淨佛刹所得道者彼諸如來得初佛地
如來在此地中作是神通如我今日神通無
異海妙深持自在智通菩薩復問佛言世尊
若有五濁刹中諸佛如來現得道者當成道
者而彼世尊現得當得如來地不佛言善文
夫若諸佛菩薩能現善巧方便者得所以者
何為諸衆生起大慈心見諸衆生閉在三有

稠林之中是諸衆生無明闇中愛網所覆信
其不淨顛倒邪見無量諸苦臨三惡岸輪迴
六道煩惱展轉無有前際不知本際彼諸衆
生不知諸佛及諸佛法諸菩薩法亦不如實
知諸解脫善丈夫諸佛菩薩如是知彼一切
衆生多受諸苦善丈夫蓋亦時應佛出現五濁
世界或兜率下入胎住胎初生及長宮中喜十八
樂出家苦行向於道場降魔成佛轉大法輪
與諸外道共論義時依法降伏傲慢衆數乃
至促壽現大涅槃入涅槃已三昧力故顯現
自身分布舍利大如芥子天龍人非人等生
其喜心為供養故造作無量百千億那由他

諸舍利藏或有於彼法中出家修持苦行或
為菩提而作種子度於煩惱有海彼岸善丈
夫一切諸佛有如此法令無量無邊諸衆生
等度於煩惱有海彼岸善丈夫汝今當知若
五濁世中如來所現神通之力皆佛應化或
諸菩薩神通力故善巧方便應化所出海妙
深持自在智通菩薩復問佛言世尊佛身幾
種佛言善丈夫毗說有三何等為三一者報
二者應三者真身海妙深持自在智通菩薩
復問佛言世尊何者名為如來報身佛言善
丈夫若欲見彼佛報者汝今當知如汝今日
見我現諸如來清淨佛刹現得道者當得道

者如是一切即是報身海妙深持自在智通
菩薩復問佛言世尊何者名為如來應身佛
言善丈夫猶若今日踊步健如來魔恐怖如
來大慈意如來有如是等一切彼如來穢濁
世中現成佛者當成佛者如來顯現從免率
下蓋乃至住持一切正法一切像法一切滅法十九
善丈夫汝今當知如是化事皆是應身海妙
深持自在智通菩薩復問佛言世尊何者名
為如來法身佛言善丈夫如來真法身者無
色無現無著不可見無言說無住處無相無
報無生無滅無譬喻如是善丈夫如來不可
說身法身智身無等身無等等身毗盧遮那

身虛空身不斷身不壞身無邊身至真身非
虛假身無譬喻身是名真身海妙深持自在
智通菩薩復問佛言世尊若諸佛真體無色
無現乃至不可說不可說者豈非斷相也佛
言善丈夫於汝意云何虛空界者可有斷絕
及有相不海妙深持自在智通菩薩答言世
尊虛空界者不可斷絕亦無有相世尊何以
故若虛空界有斷絕者彼虛空界不名無礙
世尊虛空界無有相處聚處邊處色處及以
物處是故世尊彼虛空界不可斷絕非是有
相世尊是虛空界遍一切處佛言善哉善哉
善丈夫如是如是善丈夫如來真實身無有

斷絕亦無有相何以故善丈夫若如來真實
身有斷絕者亦無佛出及現無邊神通之力
若有相者即有聚處及以處所可執可捉一
切凡夫悉皆一時即得成佛不應依時而有
次第善丈夫是故如來真實之身非可斷絕
亦非有相惟是普為一切衆生作其佛事海
蓋
大乘同性經下
妙深持自在智通菩薩復問佛言世尊供養
如來真身報身及以應身所得福業何者最
多佛言善丈夫若供養一如來身即是供養
一切佛身何以故善丈夫一切光明能破諸
闇普使得明而此光明不共闇住如是如是
善丈夫若有各各供養如來身者所造福業

能破一切是無明闇開解脫明路亦復不共
諸闇障住海妙深持自在智通菩薩復白佛
言世尊唯願顯現第二佛地佛言善丈夫汝
能見不海妙深持自在智通菩薩言世尊我
於今者欲依相見尔時世尊一毛孔中即放
光明名無相照乃至不可說不可說諸佛刹
所有諸色一切除滅尔時世尊問彼一切菩
薩衆言汝等今者有何所見諸菩薩言世尊
都無所有唯見光明佛言諸善丈夫汝等見
此光明何似諸菩薩言世尊我唯徧見無量
百千億那由他恒河沙微塵等諸佛刹一大
光明尔時世尊還攝光明佛刹如舊如是安

住是時世尊告一切諸菩薩衆言如來若說
第二佛地汝等一切尚難知聞何況得見如
來三地乃至十地善丈夫譬如日月光明與
一切衆生作大利益被日月力令衆生知有
一日半日一月半月乃至一年及以時分衆
生不能分別見被日月色身汝等唯見光輪
蓋
大乘同性經下
形相如是如是如來至真等正覺一切衆生
作大利益是如來力令被衆生得知諸法若
罪若福若世間若出世間若有漏若無漏知
諸法已彼如實證得度一切諸有曠野被諸
衆生不能分別得見如來報身色相唯觀神
通力用應化之形是故汝等應如是知如來

諸地出過於一切音聲語言唯有名字而可
說耳

尔時海妙深持自在智通菩薩摩訶薩白佛
言世尊誰是過度一切惡道佛言善丈夫若
有於此一切佛智行入毗盧遮那藏甚深如
來十地大乘同性經典聞已生信信已受持
讀誦書寫若教他書廣為人說乃至受持此
經典名善丈夫所有應隨諸惡道者即皆得
度菩薩復問佛言世尊誰是發菩提心者
佛言善丈夫若能受持如此經典乃至受持
名字者是菩薩復問佛言世尊誰是行菩薩
行者佛言善丈夫若有受持此經者是菩薩

復問佛言世尊誰是速滿具足六波羅蜜者
佛言善丈夫若能受持此經典者是菩薩復
問佛言世尊誰是當得值如來者佛言善文
夫若有能聽此經典者是菩薩復問佛言世
尊誰是值佛得受記者佛言善丈夫持此如
來蓋秘密者是菩薩復問佛言世尊誰是為諸
大乘同性經下衆生作大賣主佛言善丈夫若有持此如來
奧藏者是菩薩復問佛言世尊誰是佛子佛
言善丈夫有能信此經典者是菩薩復問佛
言世尊誰是當得一切菩薩地佛言善丈夫
有能聽此經典者是菩薩復問佛言世尊誰
是得一切諸佛法者佛言善丈夫有能供養

此妙法明者是菩薩復問佛言世尊誰是知
聲聞辟支佛法而不取彼涅槃佛言善丈夫
有能受此妙法藏者是菩薩復問佛言世尊
云何名此經我等云何奉持佛言善丈夫此
經名為大乘同性亦名說一切佛智行入毗
盧遮那藏如是受持爾時世尊而說偈言
欲覺佛菩提 無上勝精進 欲轉聖無漏
難思智法輪 若欲建法幢 欲打於法鼓
欲得然法燈 欲得吹法螺 欲得智明照
欲滅愚癡闇 欲奪諸衆生 安立菩提智
欲降伏魔軍 供養一切佛 欲照諸世間
尊勝妙清淨 不染世諸法 欲得無漏智

行行利衆生 欲生清淨刹 教寫聽受持
如是妙經寶 為令通佛地 讀誦及宣揚
尔時世尊說此經已海妙深持自在智通菩
薩摩訶薩并及一切諸菩薩衆聞佛所說歡
喜奉行

大乘同性經卷下

蓋 大乘同性經下

水三

蓋

從縱廣 容反及一廣垂 眊 下元音如志反毛飾

鑲釧 上音還下昌 瑞 音當平 金鎖 下二同

七仞 下音刃上 翳 反一計 縷 力主 廁 初使去反

却敵 下徒的及一 毼 音牒毛 額 二同吾

非耳埵 下反了 縵 網 官上反莫 弓 肥 下音 脛 脛 上及

柯	盤	定	股
歌	石	反	外
	盤	反	骨
填	上	腸	也
塞	上	腸	下
也	非	骨	胡
	也	也	髌
羅	峰		髌
邏	崖		髌
賀	下	上	二
反	魚	上	同
賣	皆	峯	胡
主	反	字	也
一	紉	同	上
		非	及
容	青	古	脚
	赤	暗	薄
	色	反	字
	枝		薄
			榮



24

